



Broj: 16-12-16-6304-6 /19
I. Sarajevo, 24.09. 2019. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-6304/19 od 23.09.2019. godine, u otvorenom postupku javne nabavke usluga uspostavljanja jedinstvene VPN mreže za potrebe Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku za dostavljanje ponuda za javnu nabavku usluga uspostavljanja jedinstvene VPN mreže za potrebe Državne agencije za istrage i zaštitu

Član 1.

U postupku javne nabavke usluga uspostavljanja jedinstvene VPN mreže za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-6304/19 od 23.09.2019. godine, okvirni sporazum za period od tri godine dodjeljuje se ponuđaču "Mtel" a.d. Banja Luka, ponuda broj 16-12-16-6304-4/19 od 10.09.2019. godine, za ponudenu cijenu 102.272,40 KM bez uračunatog PDV-a.

Član 2.

Ova Odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove Odluke zadužuje se Sektor za materijalno-finansijske poslove Agencije.

Član 4.

Ova Odluka stupa na snagu danom donošenja.

O b r a z l o ž e n j e

Odlukom direktora Agencije broj 16-11-16-6304-1/19 od 15.08.2019. godine pokrenut je postupak javne nabavke usluga uspostavljanja jedinstvene VPN mreže za potrebe Agencije, procijenjene vrijednosti 90.000,00 KM bez uračunatog PDV-a, za koji je

obavještenje o javnoj nabavci broj 1161-1-2-255-3-48/19 objavljeno na Portalu Agencije za javne nabavke 20.08.2019. godine i u „Službenom glasniku BiH“, broj 59/19. Novčana sredstva za realizaciju navedene nabavke obezbijedena su u okviru budžetskih sredstava za 2019. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2019. godine („Službeni glasnik BiH“, broj 52/19) i Dokumenta okvirnog budžeta 2020.- 2022. godine. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 23. Tenderske dokumentacije navedeno da je rok za dostavljanje ponuda 10.09.2019. godine do 12,00 sati, te da se ponude dostavljaju u zatvorenoj koverti, Komisija je dana 10.09.2019. godine u 13,00 sati izvršila javno otvaranje ponuda prema datumu i vremenu prijema. Javnom otvaranju prisustvovao je ovlašteni predstavnik ponuđača "Mtel" a.d. Banja Luka.

Blagovremeno je dostavljena ukupno jedna ponuda i to:

Redni broj	Naziv ponuđača	Vrijednost ponude (bez PDV-a)
1.	"Mtel" a.d. Banja Luka	102.272,40 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja prihvatljivosti dostavljene ponude u smislu Pravilnika, te njene kvalifikovanosti shodno uslovima navedenim u Tenderskoj dokumentaciji.

Komisija je nakon uvida u ponudu ponuđača "Mtel" a.d. Banja Luka utvrdila da ponuđač "Mtel" a.d. Banja Luka, ispunjava kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Tenderske dokumentacije. Komisija je utvrdila da je ponuđač "Mtel" a.d. Banja Luka dostavio dokaz - Potvrdu Privredne komore Republike Srpske broj 04-12-2219-1/19 od 04.09.2019. godine o preferencijalnom tretmanu domaćeg.

Komisija je aktom broj 16-12-16-6304/19 od 10.09.2019. godine od Odsjeka za informatiku, komunikacije i sigurnost informatičkih sistema Sektora za operativnu podršku, tražila da se na osnovu uvida u pristiglu ponudu ponuđača "Mtel" a.d. Banja Luka dostave stručno mišljenje u vezi postavljenih tehničkih uslova u Tenderskoj dokumentaciji. Odsjek za informatiku, komunikacije i sigurnost informatičkih sistema Sektora za operativnu podršku aktom broj 16-10/03-16-6304/19 od 13.09.2019. godine dostavio je stručno mišljenje, u kojem je navedeno da je ponuda ponuđača "Mtel" a.d. Banja Luka prihvatljiva i da u potpunosti zadovoljava tehničke uslove iz Tenderske dokumentacije.

Obzirom da je za postupak javne nabavke usluga uspostavljanja jedinstvene VPN mreže za potrebe Agencije, Tenderskom dokumentacijom predviđeno provođenje e-aukcije, da je dostavljena samo jedna prihvatljiva ponuda, Komisija u smislu člana 3. stav (3) Pravilnika nije zakazivala provođenje e-aukcije, nego je postupak okončala u skladu sa odredbom člana 69. Zakona, primjenjujući kriterij najniže cijene tehnički zadovoljavajuće ponude iz tačke 20. Tenderske dokumentacije i sačinila rang listu ocijenjene ponude, kako slijedi:

Redni broj	Naziv ponuđača	Vrijednost ponude (bez PDV-a)
1.	"Mtel" a.d. Banja Luka	102.272,40 KM

Komisija je nakon sačinjavanja rang liste ocijenjene ponude utvrdila da ponuda ponuđača "Mtel" a.d. Banja Luka u iznosu od 102.272,40 KM bez uračunatog PDV-a premašuje procijenjenu vrijednost javne nabavke za 12.272,40 KM bez uračunatog PDV-a (procijenjena vrijednost javne nabavke iznosi 90.000,00 KM bez uračunatog PDV-a). Komisija je od Sektora za materijalno-finansijske poslove aktom broj 16-12-16-6304/19 od 13.09.2019. godine tražila mišljenje po pitanju prekoračenja procijenjene vrijednosti javne nabavke. Sektor za materijalno-finansijske poslove je aktom od 13.09.2019. godine, dostavio Komisiji informaciju u kojoj je navedeno da se ponuda ponuđača "Mtel" a.d. Banja Luka sa finansijskog aspekta može prihvatiti, imajući u vidu činjenicu da će ukupna potrošnja zavistiti od stvarnih potreba i raspoloživih budžetskih sredstava.

Nakon provedenog postupka ocjenjivanja dostavljenih ponuda, uz uvažavanje stručnog mišljenja Sektora za operativnu podršku i Sektora za materijalno-finansijske poslove, Komisija je utvrdila da je ponuda ponuđača "Mtel" a.d. Banja Luka ocijenjena kao najpovoljnija ponuda i da ista podliježe primjeni preferencijalnog tretmana domaćeg.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od tri godine u postupku javne nabavke usluga uspostavljanja jedinstvene VPN mreže za potrebe Agencije, dodijeli ponuđaču "Mtel" a.d. Banja Luka, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

